

Chhuah fan - Oct. 1984

JULY, 2015

(MISSION)
RAMTHAR



Email: ramtharchanchinbu@gmail.com

Fax No. 0389-2316410



Pu R. Lalchhanhima (*Resource Person*) hovin
Mission Field hrang hranga Field Secretary (1) &
Missionary Pastor (17) - May 18-28, 2015 chhúnga
Orientation Training neite.

CHARACTER STUDY
PAULA.....phêk 5 - 8

Ramthar Association Chanchinbu Thla kip Chhuak**Editorial Board 2013 - 15**

Editor	: Rev. Thangzauva	9612950043 (M)
Joint Editors	: Upa Lalrinmuana	9436142643 (M)
	: Upa Zoramthanga	9436362385 (M)
	: Pi C. Lalrampari	9436190803 (M)
News Editor	: Pu Lalbiakenga Fanai	9436366234 (M)
Cir. Manager	: Pu Lallawmnakima Hmar	8575178109 (M)
Publisher	: Rev. Lalchhuanmawia	9615952406 (M)

Member-te

Rev. Lalrinmawia	: Synod Moderator
Rev. B. Sangthanga	: Synod Secretary (Sr.)
Rev. P.C. Pachhunga	: Executive Secy., i/c Mission
Rev. C. Chawngliana	: BEC Member
Upa F. Lalfakzuala	: BEC Member

✉ Thu chhuah tûr nei chuan Email - ramtharchanchinbu@gmail.com-ah emaw lehlam chauhah ziakin Editor emaw Manager, Ramthar Chanchinbu, Synod Office, Aizawl, Mizoram (India) hnênah emaw thawn tûr a ni e.

✉ Ramthar Chanchinbua thu chhuah hi a ziaktu mawhpurhna a ni.

KUM KHAT LÂK MAN - ₹ 50/-

A CHHÛNGA THU AWMTE

- | | |
|--|---------|
| 1. Editor thukhawchâng | - 1 |
| 2. Keimahni | - 2-4 |
| 3. Sermon | - 5-8 |
| 4. BUHHMUN AṬANGIN: | - 9-18 |
| (1) Rangfrah - Hriat loh Pathian nge...? | |
| (2) Sairang Buhhmun aṭangin | |
| (3) Kan Prochar ve ṭhin | |
| 5. Zoram, Harh rawh | - 19-23 |
| 6. Nl. Rosangzuali kan chán ta! | - 23-24 |
| 7. Ramthar Feh | - 25-30 |
| 8. Ramthar thilpêk petute | - 31-32 |



KHAWVÊL CHI LÍ

1. LEILUNG KHAWVÊL SAWINA (Tirh 17:24,25):

*‘Pathian, **khawvêl** leh a chhúnga thil zawng zawng siamtu chu lei leh van lal a nih avàngin kuta sak inachte a awm lo va; thil tlachham angin mihring kuta rawngbàwlsakin a awm hek lo, amah ngei chu engkim hnêna nunnate, thâwknate leh thil zawng zawngte petu a ni zâwk e’.* He Bible chángá **‘khawvêl’** hian leilung khawvêl hi sawiin, a chhúnga awm zawng zawngte pawh hi tu dang ni lovin, Pathian (AWMA) siam ngei a ni a, amaha lo awm chawp (*evolve*) mai a nih lohzia a sawi a; siamtu Pathian chu lei leh van Lal a ni a, khawvêl pawh hi a ta, a kutchhuak, nunna leh thâwknate petu, lei chung pawh hi a tûl dân angzia zêla siam thar leh thîn a ni (Sam 46:1; 104:30).

2. MIHRING SAWINA KHAWVÊL (Jn 3:16):

*‘Pathianin **khawvêl** a hmangaih êm êm a; chutichuan, a Fapa mal neih chhun a pe a, amah chu tu pawh a ring apiang an boral lohva, chatuana nunna an neih zâwk nân’.* He Bible chángá **‘khawvêl’** hi mihring sawina a ni a, mihring pakhat mai pawh ni lovin, mihring pum pui sawina a ni. Pathianin a Fapa mal neih chhun a pêk, Isua Krista ngei pawhin a nun a hlan chhan chu tu mah hmaih awm lova, mi zawng zawng huap sawina a ni. Mihringte mawhphurhna pawh a sawi nghal a: chatuan nunna an neihna tûra Isua Krista rin chu.

3. PATHIAN DODÂL NUN - SUAL SAWINA (1 Jn 2:15):

*‘**Khawvêl** hi hmangaih suh ula, khawvêla thil awmte pawh hi hmangaih hek suh u’.* He Bible chángá **‘khawvêl’** hian Pathian dodâl nun, ringtu tána sual leh thil t̃ha lo – boral leh mai tûr thilte a sawi a. Chûng thilte chu an la boral leh mai dawn avàngin hmangaih tlâk a nih lohzia leh, chûngte hmangaihtu chu amah ngei pawh a la boral thuai tûr thu a sawi. Khawvêl leh a chhúnga thil awm pawh hmangaih lo tûra fuihna kan hmu a ni.

4. MIHRING NUN PUM PUI LEH A LUAH RAM SAWINA (Mk 16:15):

*‘**Khawvêl** zawng zawngah kal ula, thil siam zawng zawng hnênah chuan Chanchin T̃ha hi hril rawh u’.* He Bible chángá **‘khawvêl’** hian mihring nun pum pui leh a luah ram khawvêl a sawi a. Chanchin T̃ha hrilna tûr khawvêl, mihring nun péng tinreng – sakhuana khawvêl, eizawwna khawvêl, *sex* khawvêl, etc. leh leilung khawvêl pum pui hi a sawi a. Chutah chuan Chanchin T̃ha hi hril tûr a ni, thil siam zawng zawngte pawh huamin.

Chutichuan, leilung khawvêl siamtu Pathian chuan mihringte hi min hmangaih vângin a Fapa mal neih chhun a pe a, a hmangaih hringfate chuan khawvêl boral mai tûr hi hmangaih lovin, a mihringpuite hnênah, ram tina kala hêng **‘khawvêl’** kan han sawi tâkte hnêna Chanchin T̃ha hril tûr hian min hrilh a ni tih i hre thar leh ang u.

K E I M A H N I

† **SMB Ringthar dinhmun:**

Sl No.	Mission Field, etc.	Jan - Mar	May	May thleng
1.	Barak	70	17	87
2.	Tripura	803	8	811
3.	Delhi	13		13
4.	Kolkata	234	26	260
5.	Siliguri	29		29
6.	Karbi Anglong	50		50
7.	Arunachal 'E'	43		43
8.	Lucknow	161	31	192
9.	Patna	59	12	71
10.	Nepal	68	4	72
11.	Arunachal 'W'	140	48	188
12.	Home Mission North	54	2	56
13.	Home Mission South	51	35	86
14.	Assam	17	1	18
15.	Jharkhand	242	89	331
16.	Cachar Tlangram		21	21
17.	Masihi Sangati	445	63	508
18.	Orissa			-
19.	Cambodia	1		1
	TOTAL	2,480	357	2,837

† *A âwl hi dawn loh emaw, dawn kim loh emaw a ni e.*

† **TUARPUINA:**

1) Upa Lalremsiama, Zokhawthara Ramthar Chanchinbu *agent* tangkai tak chuan ni 21 March, 2015 khân *cancer* avângin chatuan ram min pansan.

2) Pu David Lalremsanga leh Pi Lalţanpuui (E/T OHS, *Silchar ve ve*)-te fanu, Angela Lalhmangaihzuai (b. 1.6.2015) chu ni 5 June, 2015 10:00 a.m. khân khawsik sâng avângin a thi.

3) Ni. Rosangzuali (A *chanchin kimchang zâwkin phék* 23 leh 24-ah târ lan a ni. A kâwm hnung lamah a thlalâk a aum baw).

4) Dr. Lalsangpuui, Bolivia (South Ameriva)-a thawk pa, Pu Haudingliana (62), Chhinga Veng, Aizawl chu ni 7 May, 2015 (Pathianni) 9:15 p.m. khân lung na leh zunthlum avângin a thi.

Ramthar chanchinbu chuan hêng mite hi a sunin lusun chhûngte a tuarpui êm êm a ni.

† **NE REGION MISSIONARY RETREAT HLAWHTLING:**

Ni 14-17 May, 2015 chhûng khân Armed Veng Kohhran Biak Inah Missionary Retreat for North East Region hlawhtling taka hman a ni. He Retreat-ah hian mi 800 vêl, thawktute leh an kawppuite nèn an tel thei a ni.

† **SHMS, THAIDAWRAH PAWL VI HAWNG:**

SHMS, Thaidawrah Ramthar Board-in a remtih angin Pawl VI hawn a ni ta. He sikul hi kum 1986-a din niin zirlai 157 an awm mêk a ni.

† **VOLUNTARY PENSION:**

Pi Zahmingliani, Evangelist, Silchar chuan Ni 1 June 2015 aţang khân taksa hrisêl lohna avângin *Voluntary Pension*-in min chawlhsan ta. Ani hian ni 2 July 1990-ah SMB hnuaiah a thawk ţan a. Karbi Anglong, Tripura, Cachar Tlângram leh Barak Area-ahte rawngbâwlin a awm tawh a ni. A pasal, Pu F. Vanlalchhûnga hi Cachar Tlângram Gospel Team-ah Leader a ni.

† **ZIN:**

1) Rev. Lalchhuanmawia, Secretary, SMB te; Upa Lalrinmuana, Coordinator, SMB te leh Pastor Lalrammawia i/c Kelkang Bial te chuan ni 5-12 June, 2015 chhûng khân Kolkata Field leh Odisha-a kan Mission hmunte an tlawh. Ni 7 June, 2015 khân Pastor R. Lalvulluaia chu Odisha-a *Missionary Pastor* atân dah ngheh (*induct*) a ni. Pastor ţhuthmun chu Cuttack, Odisha a ni ang.

2) Pu H. Vanlalchhuanga leh Pu K. Ronghaka te chuan ni 8-11 June, 2015 chhûng khân *Home Mission North*-a sikul ţhenkhat - Pêrsâng, Damparengpui, RTMS, leh Salem Boarding-te an tlawh.

SYNOD MISSION BOARD

HSLC RESULT 2015

Sl. No	School Name	Field Name	DIVISION				Comp.	Failed	Letter marks	Pass Percentage
			Appd.	Dist.	I	II	III			
1	CHS, Siler	Barak	45	4	38	3			113	100.00
2	PMS, Diphu	Karti Anglong	32		10	22				100.00
3	PMS, Kachingaj	Barak	68	19	48	1			232	100.00
4	PMS, Haren	Karti Anglong	11		4	4	1	2	7	81.81
5	Winchester School	Cachar/Tangram	10		1	8	1			100.00
6	St. Paul H/S, Hrairakunda	Assam	12			3	9			100.00
7	PMS, Kalamati	Karti Anglong	7		4	3				100.00
8	JES, Lakla	AAMF'E	26		9	16		1		96.15
9	SEMS, Mathuripathar	AAMF'W	24		12	12				100.00
10	JMS, Jorai	AAMF'W	12		6	6			3	100.00
11	TMS, Khasan	AAMF'E	27		14	5	2	6		77.77
12	BES, Naagang	Tipura	36		3	11	21	1		97.22
13	CHS, Tuichu	Tipura	35			18	17			100.00
14	SHMS, Bungleang South	HMS	3			1		2		33.33
15	SHMS, Itlung	HMS	1			1				100.00
16	Salem/Barding School	HMN	10			1	4	5		50.00
TOTAL			339	23	149	115	55	6	375	90.00

† Thahnemngai taka kan tawngtaina azára kan Mission Sikulten result duhawm tak mai an nei hi a làumaum takzet a ni. Thawktute inpékna kaltlanga Pathian malsàumna ropui tak lo lang a ni.

CHARACTER STUDY TIRHKOH ROPUI – PAULA

Upa Zarzokima Khiangte, Shillong-21

A pian leh mûrna : Kilikia rama Tarsa khuaa piang a ni. Khatih laia sumdawnna khawpui, zirna sang (*University*) awmna leh mi chi tin chi tang khawsakna hmunpui a ni. Paula ngei pawhin, '*khaw naména awm ka ni lo,*' a ti (Tirh 21:39). Amah ngei pawh hian kel vun aţanga puan in siam chu a zir, an ti. Tarsa khuaa khua leh tui (*citizen*) ni tûr chuan neinung deuh leh mi langsar deuh nih pawh a ngai. A pate hi Benjamina thlah an ni a. Israel lal hmasa ber hi Benjamin hnam Saula a ni a. A hming hi an puttir ve ta niin a lang. A pianthar hnu hian 'Paula' tiin thlâk a ni ta a ni (Tirh 13:9). Khatih laia Judatena an ngaihsan êm êm, Rabbi pasarihte zînga dân lama hriatna chungcháng bîk nei Gamaliela hnêna zir a nih avângin Paula pawh a induh hle niin a lang. Gamaliela hi '*Dân Mawi*' (*Beauty of the Law*) nihna (*title*) pêk hial a ni. Tûnlai ang chu ni sela, a lo berah pawh Paula hian *Doctorate Degree* a neih ngei a rinawm a ni.

PAULA NUNA CHHIN-CHHIAH TLÂKTE:

Bible ziahnaah a thawh hlâwk

Thuthlung Thar bu 27-a bu 13-te hi a ziah a ni a, Kohhran 7 a din baw (Kolossa hi mi *thenkhat chuan Epaphra-a dinah an ngai*). A lehkhathawnte hian ringtute tâna thu pawimawh hlir

a fun khâwm a, chu vâng chuan '*Thuthlung Thar khai khâwmna*' a tih theih hial awm e.

Pathian bêl ruat a ni (Tirh 9:15)

Ringtu tin hi Chanchin Tha theh darh tûra thupêk kan nih laiin, mi tin tih theih loh ti tûr hian Pathian chuan ruat bîk chu a neiin a lang.

Thutlūkna siam thuai ṭhin mi a ni

Damaska daia inlārna a hmuh khân Pathian a zawh hmasak ber chu, “*Lalpa, eng ti tûrin nge min duh?*” tih a ni. Hei hi Mizo ṭawng Bible-ah a chuang ve lo. (Tirh 9:6)

Ṭhahnem a ngai a, thlarau bo a vei

‘*Tin, kei zawng in thlarau tán lawm êm êm in ka inhman ral ang a, inhman ral vekin ka awm baw k ang,*’ (2 Kor. 12:15) tih thute hian a tichiang.

A inngaitlāwm

“*Mi thianghlim zawng zawnga tē ber ka ni, kei chu tirhkoha vuah tlāk pawh ka ni lo*” a tih leh, “*An zinga mi sual ber ka nī*” (1 Kor 1:16) a tihte hian a inngaihtlawmzia a tichiang hlein a lang.

A taima

Thlipui leh ruahpuiin an lawng chuanna na taka a nuai khân bibo daih lovin a theih ang anga che ve renga a awm avângin lawngpu tlan-chhiat tumte pawh kha a hmu a, hei hi an zavaia

him taka vaukam an kaina chhan pakhat pawh a ni. Vaukam an kai hnuah pawh an mei atána tuah tûr thing a lo fawm khâwm ve a ni (Tirh 27; 28:1-6).

Krista tán a chán nasa (Phil 3:7-8)

Thil engkim a chán a, hnawmhneah lek a ngai baw k.

Engkima lungawina nun a nei (2 Kor 12:10; Phil 4:11)

Chak lohnaah te, neksàwnnaah te leh hnawh chēpnaah te lungawina nun a nei.

A tuarna a nasa (2 Kor 11:23-28)

Juda-te lakah vawi 40 tling lo vawi 5, vawi 8 tianga vuakna vawi 1 lunga den, vawi 3 lawng chhiat (*Rom pana an kal ṭuma lawng chhiatna tel lovin*). Hlauhawmna chi hrang hrang a tâwk baw k, chûngte chu: luite lakah, suamhmangte lakah, a chipuite lakah, Jentailte lakah, khawvel leh saruaka awmna lakah te.

Nun dân a thiam (Phil 4:12-13)

Hausaa awm dân te, tlai leh ril̄tāma awm dân, hausa leh tlachhama awm dân a thiam.

Mi neiha innghat lovin, mahni intodelhin rawng a báwl (Tirh 20:33, 34; 2 Thes 3:8)

“Tu ma tangkaruate, rangkachakte leh sil̄hfēnte ka awh ngai loh kha,” tiin a sawi (1 Kor 4:12).

Boruak azirin a insik-sawi thiam a, thusawi hun a hria

a) Atheni khuua Grik mi finge hnēnah chuan, *“Hriat loh Pathian”* aṭanga ṭanin Pathian nung a kawh̄hmuh (Tirh 17:23).

b) Jerusalem mipuite hnēnah chuan an mi ngaihsan Gamaliela bula zir a nihzia leh a pianthar dân a sawi (Tirh 22:1-16).

c) Sanhedrin hmaa a din khân, Pharissai leh Saddukai an ni tih a hria a, Pharissai a nihzia leh thawhlehma a rin thu a sawi hmasa a. Saddukai

– thawhlehma ring lo leh Pharisaite nasa takin an inhnial phah a, thutlûk-na fumfê an siam thei lo (Tirh 23:6-10).

d) Ramawptu (*Governor*) Felika hmaah chuan felna thu te, insûm thu te leh rorêlna awm tûr thu te a sawi a, Felikan hlauhawm a ti hle na a, Paula thusawi a ring mai duh lo (Tirh 24:24-26).

e) Lal Agrippa hmaa thu a sawiin, Lal Agrippa khân *‘...rei lo te chauh thlêma Kristiana min siam i tum a nih hi,’* a ti mai thei (Tirh 26:12-29).

f) Mi a lêm thiam... *“An zînga thenkhat chu thlêmthlûkin an awm a”* (Tirh 17:4). Grikte chu thlêmthlûk a tum ṭhin a (Tirh 18:4), a thlêmthlu ṭhin a (Tirh 19:8).

Pianthar tirh hian ṭhahnemngaihna a nasa duh hle. Pathian thu pawh kan sawi peihin mite pawh kan hnial peih khawp. Amaherawhchu, inhnialna aṭang hian mi

hneh a harsa. Tin, rawng-báwla pên chhuah mai châkna pawh a awm thin. Paula pawh a pianthar tirh khân thahnemngai takin Damaska khuaah Juda-te kha a hnial dang thin, a rah erawh chu thah duhna rilru a puttír zâwk a ni. Chu vâng chuan kum thum Arabia ramah inbuatsaihna a nei phawt a (Gal. 1:17-18). A lo kir leh a, Damaska-ah rawng a báwl tan ta a ni.

Mosia pawh Aigupta rama finna zawng zawng zir chhuak ni mah se Israel-te hruai chhuak tùrin a la tling lo, inpuah-chahna a nei phawt a tul. Aigupta-ah kum sawmli (40), Midian thlalèrah kum sawmli (40) chhúng inbuatsaihna a nei phawt. Davida pawhin Goliatha a beih hmain sakeibaknei leh savawm a beih phawt a ngai (Sam 17:35).

† *I peih hun chauhvah tawngtai tùr i ni lo. Pathian nèn hun ruat dun ula, chu chu tha takin vawng ang che. Mihringin thiliththeihna a nei nasat lai ber chu a thingthit lai hi a ni. – Corrie Ten Boom-i*

† *I tawngtaiin fimkhur ang che. Pathian hi tih theih chin neiah ngai lo la, a tih theih tâwk vèl hria angah inruat hlek suh ang che.*

– Andrew Murray-a

Tu mah hian sawisèl-nate hi kan pumpelth thei tak tak lo va, Paula pawhin a tâwk tho. An sawisèlna erawh chuti takin a thûk lêm lo. ‘*A lehkhathawnte chu a ritin a khauh a, amah erawh chu a áwm a nêma, a tawng pawh a sitawm a ni,*’ (2 Kor 10:10) an ti.

2 Timothea hi a lehkhathawn hnuehng bera ngaih a ni a. A thi mai dawn tih pawh a inhre tawh niin a lang. Amaherawhchu, a hlauh thu leh a zâm thu a sawi miah lo va, hnehna awin a thu a tlip a ni. “*Ka rina chu ka hria, kei zawng tûnah pawh hlanin ka awm mék a ni si a, ka chhuah hun a thleng tawh e. Intihsiakna tha chu ka bei zo tawh a, rinna chu ka vawng reng tawh a ni*” (2 Tim 4:6-7).

**BUHHMUN ATANGIN
RANGFRAH -
HRIAT LOH PATHIAN NGE SETANA KOHHRAN?**

– Lalthanvêla, Evangelist
Changlang, AAMF East

Kum sawm hma lam (2004 hma lam) kha chuan Arunachal & Assam Mission Field ‘E’ huam chhûng, Changlang District-a chêng Tangsa hnamte (hnam péng hrang hrang an awm) khuan sakhaw biak mumal an la nei lo va. Keini Mizote ang bawkin ramhuai bia-in an inthawi thin. Túnah erawh chuan an sakhaw thar RANGFRAH an tih chuan khawpui ațanga thingtláng kilkhawr ber thleng a fan tawh a.

An hnam sakhuaa ngaiin sawrkar nèn an țăang kawp tlat a. Evangelist-te tân pawh rawngbâwl an tiharsa sâwt hle mai a. Pathian ram zau zêlna kawnga dâltu atâna Setana hmanraw leklam ber nia a lan avângin Zoram mipuiten țăawngțainaa min puih theih nân an chanchin tlângpui hriat theih ang ang rawn târ lan kan tum dawn a ni.

Rangfrah tih hi ‘*Rang*’ (Vân) tih leh ‘*Frah*’ (Pathian) tihna a ni a. ‘Vân Pathian’ tihna emaw, ‘Pu Vâna’ tihna emaw a ni thei. Kum 2004-2005 vêl ațang

khân Tangsa hnam zînga ‘*Chanchin Tha Êng*’, Kristianna darh chak tak chu dan tumin Pu Latsam Khimhun-a (*Executive Engineer*) chuan *Rangfrah* hi a din a. A tirah chuan a dintu hian sakhua ang chiaah pawh ni lovin, an hnam zînga Kristian pung chak lutuk tùr dan nân pawl angin a din a ni.

He páwl member-te chu ringlo țăalai leh pa valai an ni deuh ber. Hun a lo kal zêl a, Tangsa mipuiten Kristianna an ngainat dân te an hriatin Kristiante tih dân an entawn ta a. Khaw tinah *Rangfrah* biakna tùr in, *mandir* an sa a. Ringtute

inkhâwm hun – Pathianni, Nilai zân leh Inrinni zânah te an inkhâwm ve zêl a. *Chairman, Secretary* leh *Mandir* enkawltu (*Chowkidar*) te ruatin chûngho chuan inkhâwm an kaihruai òhin.

Keini, Kristianho tih dân angin *home visit*, òawngtai, zing òawngtai inkhâwm, chaw nghei òawngtai, buhfaiòhâm leh thawhlâwm khawn thlengin an ti ve zêl a. Anmahni òawngin hla an sak òhin avângin an phur thei hle. Keini, ringtute ai mahin an phur emaw tih tùrin inkhâwm ni hi chuan an hnathawk pawh hma takah an haw òhin. Kristiante ang bawkin paho leh òhalai inkhâwm an tlêm a, nuho leh nula erawh an òha thei hle. An inkhâwm ni bikah te chuan an inserh êm êm a. Ruih theih thil ti rêng rêng, rui chung a inkhâwm an khap hmiah. Inkhâwm niin sa ei an khap tlat bawh.

Rangfrah an nih hnu chuan tùn hmaa an inthawi òhin ang zawng zawng

kha an bansan vek a. An damlohvin emaw, harsatna emaw an tawh chuan an inah kalin an inòawngtaisak òhin. Thlarau Thianghlim changa ‘*taksa chêtna nei*’ kan tih anga ‘*taksa chêtna nei*’ hi an awm ve òhin a (*Thlarau Thianghlim hnathawh chu a ni lo va, ramhuai thlarau hnathawh a ni zâwk ngei ang. – LTV*). Chûng mite chu an ngaisang hle a ni.

Setana hi chu a fing vervêk òhin mang e! Kristian pung zêl tùr dân nân leh Kristian do nana dân ni chung siin an sakhaw lehkhabuah chuan Bible thu òha tak tak leh sakhaw dang zirtirna òha òha an la chhâwng a. An do ber Kristiante tih dân òha tinreng entawnin an sakhaw thar zirtirnaah an hmang zêl a. An *Mandir* te hi sawrkar sum leh Hindu kulmûk, RSS (*Rashtriya Swayamsevak Sangh*)-ho òanpuinaa sak deuh vek a ni. An *Mandir* ah leh anmahni inah *Rangfrah* dintu Latsam Khimhun-a thlalak leh

Hindu pathian thlalak an târ kawp tlat lawi si a ni. Tirhkoh Paulan **Hriat loh Pathian** chanchin a sawi kha he *Rangfrah* hi chu a ni thei dawn em ni? Nge **Setana Kohhran** a lo ni reng zâwk le?

India ram hi kan hriat theuh angin sakhaw zalenna ram a ni a. Mi tu pawhin ama duhthu in a sakhua a vuanin ama duhthu ngeiin a sakhua pawh a thlâk thei a ni. Mahse, he dân hian Changlang district (*Arunachal Pradesh*)-a chêng khaw thenkhatah chuan awmzia a nei tak tak thei lo. Sawiin hrilhfiah tum ngial thin mah ila khawtlâng dân/*committee* thuchhuak chuan awmzia a nei zâwk fo thin.

Kum 2012 khân thingtlâng khaw pakhat, Kantang khuaa pa pakhat, kum 55 vêla upa chuan baptisma a chang a. Kristiana a inleh avângin khaw mipuite chuan khu a a tângin an hnawt chhuak a. Thla 5/6 vêl zet chu khaw danga chhúngkhat lainate hnênah a awm lăwr a. A monu a thih tâk

avângin a tute enkawl a ngai ta si a. Rei ngial a dil hnuah khawtlâng mipuite chuan khuaa a awm an phalsak thei hram a ni. He putarin baptisma a chan hnu hian khawtlâng *committee* chuan thu chhuah khauh tak siamin an khuaa chêng, tu pawh Kristiana inlet chu mahni in leh lova chêng thei lo tûr leh hnawh chhuah tûrin thutlûkna an siam nghal nghe nghe a ni.

Hetiang deuh chia hian kum 2014 khân kan awmna tur (*post*) khu a Khimyang (*In 100 vêl, Circle Officer thuthmun*)-ah thla khat kan awm tling âwrh chauh tihin khawtlâng mipuite chuan keimahni avânga *committee* neiin Kristian Missionary kan nih avâng chauhvin an khu a chhuahsan tûrin min ti a. Kan awm theih dân tûr kawng tinrenga dapin, dân (*Constitution*) te hrilhfiah tumin hma kan la a. Mahse, khawtlâng mipui thutlûkna chu a chak tâk zâwk avângin min chhuahtir ta tho a ni.

An khuaa *missionary* awm an phal lo bur mai a ni ber.

An khua chu Kristian-nain a luhchilh chuan chhe vek tùrah an ngai a. *Rangfra*h chauh chu an hnam sakhua niin an ngai hmiah mai a ni. Kristian tlêm lo awm tawh sa, anmahni hnampuite pawh khaw chhúng huam china an awm phal lovin a daipawn deuhvah an awmtîr vek a, khawtláng thilah pawh a rûkin an en hrang nalh a ni. Rei lo tê kan awm ve lawk chhúngin khawtláng *committee* chuan thu chhuah siamin tu pawh Kristiana inlet apiang chu khawtláng huap thila en hran/hrêk leh pawisa chéng singkhat chawitîr leh bawng chawitîr tùrin khauh takin dân an siam thar hmiah mai a ni.

Hetiang taka an khauh avàng hian a rûka Kristian nih duhte pawhin eng mah tilang ngam lovin an zuh ral leh mai thîn. Setanan hmangaihna tel hauh lova a bawih, hêng mipuite hi an khawngaihthlâk takzet a ni. An thlarau mit chu *rangfra*h hmanga

tihdela awmin paho leh thalai tam zâwk chu *kani* (*opium*)-in a ei chhe mék a ni. *Kani* hi Myanmar ațanga rawn tawlh thlain to tak takin an zuar thîn. Ni khatah *kani* lei nân a tlêm berah chéng 500 hmang ral zêl ang an ni. Heti a nih avàng hian chhúngkuuaa *kani* ngawl vei awmna chu an tlabal nasa êm êm a. Ringtu zingah pawh he *kani* avànga harsatna tâwk, kohhran bel hlei thei lo an tam êm êm a ni.

Aw le, hetiang khawp hian Setanan “*Êng tirhkoh*”-a insiamin an thlarau lam mit tihdelsak mah se, Pathianin an tána chhan-chhuahna leh chhan-damna kawng a buatsaih-sak hi eng tikah emaw chuan an la hmu fiah ve ngei ang tih beiseinain kan thlir reng a. Mihring chakna mai chuan an thinlung hneh leh hrilh var a harsa êm êm a ni. Chuvàngin, Zoram chhúnga kohhran leh mi mal thahnemngaiten an tán theihtâwp chhuaha țawng-țaipui tùrin kan ngen takmeuh che u a ni.

SAIRANG BUHHMUN AṬANGIN

– H. Lalsangzuala
Secretary, Sairang M/S Committee

Sairang Presbyterian Kohhran *Masihi Sangati Committee* chuan kan chhehvêla hnam dang, hnathawka hun eng emaw chhúng awm ṭhinte hnênah kan tlin ang tâwk tâwkin hma kan la ve a. A tlângpuiin, kawng siamte leh thil dang dang thawka inhlawhte an ni hlawm a. An hun awl neih dân azirin zànah inkhâwmna te neiin hun kan hmang ṭhin.

Tûnlaia hnathawka lo kalte hi *company* hnuaia *contract*-a thawkte an ni hlawm a. Pathianni takngial pawh an awl loh avângin an awmna *camp*-ahte *Masihi Sangati Committee* chuan inkhâwmnaa kan mamawh tùr êng (*bat*) leh ṭhutthleng te kan intum chawp a. Lalrinawma, *Evangelist*-in Pathian thu a sawi ṭhin a. Hnathawh an hah deuh cháng phei chuan a inthlahrunawm hle ṭhin a ni.

Tlai ngai lo Pathian chuan kan fel vâng leh kan ṭhat vâng ni lovin kan mihring theihna piah lamah hna a rawn thawk a, Krista hnathawh ropui tak a lo lang ta! Lalpa chu fakin awm rawh se.

Ni 05.04.2015 *Easter Sunday* zàn khân mi 14

laiin Kristaa tuihâlna neiin baptisma chan an duh ta a. Sairang Bial vawngtu Rev. Lalbiakchhúnga Pachuauvin Sairang Kohhran Biak Inah “*Isua thawhleh angin kan tholeh ang*” tih thupui sawiin Isua thawhleh anga tholeh tùrin hêng kan unaute hi baptisma a chantír a ni.

Hêng mite hi Tripura state-a mi Debbarma hnam, Hindu te, Karbi Anglong state-a chêng Hindu te an ni. Kan hlimin kan lâwm êm êm a ni. Lalpan beràm bo a hmu leh ta! Kohhranhovah Lalpan thil ropui tak min tihsak a ni. Tichuan Zoram hmun hrang hranga kohhranten ringtharte tán ṭawngṭaipui tùrin kan inngen bawk a ni e.

KAN PROCHÂR VE THIN...

– A. Paul Laltharzêla, Jharkhand

Kathikund Pastor Biala thawktute chu *Committee*-in a lo rel tawh angin ni 28-30 April, 2015 chhúnga Kalajhor khuaa *prochar* tùrin kan vaiin thawktu 14 kan kal a. Ni 28 April dár 2:30 vèlah kan *prochar*-na tùr khua chu kan thleng.

Kan *prochar*-na khua Kalajhor hi in 60 vèl an ni a. Ringtu in 25 lai an awm a, kan kohhran in 3 a awm. Kohhran hrang hrang an ni a, FMPB (*Friends Missionary Prayer Band*)-in biak in tha tak an nei bawk. A khaw chhúnga fai hle nâ a, tui *pump* erawh *pump* a hahthlâk hlawm hle, thenkhat phei chu a kang thei lehngal. Zàna inbual laklawh laiin a kang hlauh mai a, tui *pump* danga insawn a ngai ta hial!

Kan thlen inte chhúnga hi nupa leh an fanu chauh an ni a, an fanu erawh *hostel*-ah an dah thung. An in a zau hle. Kawng àn feet 25 vèl a ni a, ft 30 vèla seiin an sa phawt a, hei hi bawng in atana hman leh an

chenna panna tùra pindan deuh a ni. In hmasa dawtah Santhal in dang ang thovin in chhúnga kawtlai ft. 25×15 vèl a awl leh a, hetah hian in sir lamah kawngkharpu a awm leh bawk. An chenna in tak hi ft. 25×40 vèl a ni. In hmasa zâwkah hian Mahaso (A *ram mi thawktu*)-ho an riak a, kawtlai a misawnari-ho kan riak thung.

Kan thlen veleh kan Leader, Tv. Rintea a tawngtai a. Tui chawi tùrin kan chhuak nghal a, tui chawi zawhah ei rawngbâwl kan tan zui nghal. Thenkhatin zàna kan *film* chhuahna tùr hmun leh *parda* zàrna tùr an lo en fel a, mau, thirtiing leh leihlawn an lo hawh bawk a. Sa hmeh tùr kan ni bawk a,

rawngbàwl a sâwt hle. Khawthim hmáin chaw kan ei fel a, *film* chhuahna tùr kan buaipui nghal zung zung a. A khaw naupang zawng zawngin min zìim nghal luih luih mai a, a nuam viau mai.

Kan thlen in hi khaw chhúngah pawh a laili taka awm a ni a. A khaw dung hi a zawl vek lo deuh a, a chuanchung lam chuan kan *film* chhuah hi an in kawt aṭangin an hmu thei vek. A chuanhnuai lam erawh kawng a kual avàngin a lang thui lo deuh. Khaw chhúng kawng hi *cement* chhun 10 *ft* vèl a ni a, a mam ṭha hle. Kan *tirpal* (*silpaulin*) ken kan phah a, *film* en tùrte an ṭhu khat vek mai. *Parda* leh *projector* inkàrah âwl, kan zai huna kan dinna tùr leh hruaitu leh thusawitu dinna tùr awl kan dah a. Kan khâwl an rawn hnaih loh nân entute ṭhutna hi chêtna dâl lo tùrin kár âwl awmin kan phah bawk.

Generator kan tihnun aṭangin naupang chu an

phí chung hlawm a, an khuaah chutiang thil ropui an la hmuh ngai loh vâng a ni. *Projector* tinungin *sound* kan *fit* fel a, anmahni Santhal hla ngei saa kan zai an han hmu chu an meng kâwk kâwk mai a ni. Mipui nghah nân dârkâr chanve vèl zai kan chhuah hnuah, chuan-hnuai lam aṭangin en tùr an lo kal belh zèl a. A hmaa kan *tirpal* phah hma lamah puitling an rawn ṭhut belh zèl tâkah chuan naupangho an insawn an insawn ta mai a. Pakhat pheí chu kawng sira thingkungah a lâwn a, a zârah a han ṭhu vâng hman a. A nuin koh thlâk a tum, anin a lo duh lo. A pain tiangin a han hawlh a, a lo chhuk duh chauh. A hma lam kawng sîr âwlah ṭhutna tùr kan phah belh a, chutah chuan an ṭhu ta hlawm a.

Dârkâr chanve vèl hnuah Pathian fakna hla sain *prochar team*-te kan ding chhuak a. Hla pathum vèl kan sak hnuin hruaituin kan *programme*

!

bul òan nán Bible chhiarin a òawngtai a, thawktu kalte inhmel-hriattirna hun a hman hnuah thusawituin thu a sawi a. A sawi zawhah kan zai leh a, Lalpa òawngtaina hmangin *programme* urhsùn chu kan titawp ta.

Film kan chhuah zui a. Mihringin Pathian kan zawn dân te, Pathian kan mamawh dân te lantir hmasain Evi leh Adama aòanga òanin Lal Isua chanchinah kan pakai chho va. Kan thih hunah rorèlna kan hmachhawn dân tùr te leh Amah ringtuten vànrám kan thlen dân tùr chenin a awm a. Hêng zawnng hian dârkâr khat leh *minute* 12 hun a hmang a ni. Kan khâwl kan sêng fel laiin a tùk zingah in tinah kan leng dawn a, zawh duh nei leh hriat duh neiten min lo nghak tùrin kan hrilh nghal bawk. Thlen inah kan indah fel a, òawngtai rualna kan nei hnuin kan mu zui nghal.

A Ni HNIHNA

Zíng dâr ruk vêlah *Mahasoi* zing tho thâwmin min tiharh a, kan inphih fai zawhah thingpui kan lum zui a. Kan vaia *home visit* kan nei dawn avângin rawngbâwl kan òan zui a. Kan peih chuan dâr riat a lo ri der tawh. Kan kal chhuak zui ve a, min lo dawngsawng òha hlawn viau mai a, kan lâwm tlâng hle. Ringtu inah chuan òawngtai tùrin min lo sâwm zêl a, kan kal sâwt hlei thei lo. Òhenkhatin thingpui min lum a, kan han in leh rih bawk a. Chhunlai thleng pawhin a khaw zâtve kan kal hman òâwk ta chauh mai. Min sâwm avângin in paliah kan òawngtai leh a, kan duhtâwk ta rih a. Thlen inah chaw eiin kan haw a, rei vak lo kan chawl a.

Dârkâr pawh kan chawl hman lo, òawngtai inkhâwm nei tùrin min lo beisei reng mai a lo ni a. Thlen in kawtah *tirpal* kan zâr chawp a, kan òhu khat ta thuai mai. Dârkâr khat chuang zet kan

inkhâwm a ni. Hetah hian chhúngkaw pahnihin ringtu nih an duh thu an sawi a, a bialtu *mahasoi* kuta dahin remchanga baptisma chang tùrin rem kan ruat a.

Kan haw hnuah ei rawngbâwl kan tan a, khaw thim hnuah chaw ei kan peih chauh mai. Bawngsa hmeh kan ni baw k a, thleng a vum tha hlawm teh e. Kan chaw ei lai ațangin *film* en chāk naupang an ri leh niaih niaih hman. Zàn hmasa ang bawkin *programme* kan nei leh a. A zan hnihnaah hian Nova lawng tuk leh Fapa Tlan bo kan chhuah a, dárkár khat vèl chhúngin a zo thin. Kan en ngun tawh baw k a, *film* chhuah lai hian inbual tùrin kan kal daih, a remchang khawp. *Programme* kan zawh hnu chuan kan kháwl thil kan seng fel a. Thlen inah țawngtai rual hun kan nei a, kan mu zui nghal.

A NI THUMNA

Kan haw ni a lo thleng chu tük dang ang thovin ei rawngbâwl kan tan mēk laiin țawngtai tura min sáwm an awm leh hlawm a. Misawnariten kan rawngbâwl kan chhunzawm a; *mahasoi*-ho țawngtaiin an kal a, in panga paruk lai an tlawh leh a ni. Dár kuaah tükthuan kan ei a. Kan *motor* hman tūr dárkár hnih zetin a rawn tlai a, dár 12 pelhah kan chhuak thei țawk. Tlai dár thumah Pastor Qtrs. kan thleng leh a ni.

Kan *prochar* chhuak tūr, khaw dur avàngin kan sukuk kan hlau hle na a, ni sa leh khaw lum tuar lovin ruah sūr baw k si lovin hun kan hmang a, kan vannei khawp mai. Pathian hnathawh kan hmuhin a thawh chhunzawm ngei kan beisei. *Prochar*-na lam a hlat avàngin sum sen erawh a tam duh viau mai. Pakur *district* lam chu mi rilru a inhawng viauvin a lang.

TLÁNGKAWMNA

Hetianga kan *prochar* hian a rah kan hmu nghal ziah lo nain Pathian hnathawh a lo lang chhunzawm ve ngei thin.

Kuminah khaw pasarihah kan *prochar* tawh a, khaw pathumah chuan *fellowship* thar kan din zui tawh nghe nghe. Kumin kum tira *fellowship* 16 kha tûnah 19 kan ni ta reng mai a, Pastor pawh a indaih lo ta viau mai. April thla tawp lam aţang chuan Pathian niah *fellowship* pahnih zêl a tlawh thin. Pathianni chauhah inkhâwm kan nei si a, Bial fan chhuah chung a rei dawn ta hle.

Ni 10 May khân Nijhor *fellowship*-ah mi 25 a baptis hnuin Bial thuthmunah inkhâwm lehin mi 8 a baptis leh bawk. Hemi nia baptisma chang duh Durgapur *fellowship*-a mi 7 chu Bialtu Pastor-in a thlen hman dawn loh vângin

Rev. Mohanlal Tudu-an a va baptis bawk. Hemi ni hian Kathikund Bialin mi 40 lai baptisma chang kan nei a. Kuminah mi 175 zet baptisma chang kan nei. Pathian hnathawh mita kan hmu hi kan vannei takzet a ni.

Kan rawngbâwl na hmun thenkhatah dodâlna tâwk mah ila, khaw tam takin an khuua rawngbâwl tûrin min la sâwm reng a ni. Min sâwmtu thenkhat kan la tlawh chhuak hman lo a ni. Sum neih loh vânga chhuah theih loh phe chu hrehawm ve tak a ni. Rawngbâwl na ţul hrang hrang avângin duh ang tâwk sum hman tûr a awm thei rih si lo te hian ngaihtuahna a tibuai ve fo.

Santhal-te rilru a inhawngin Pathian pawh an zîngah a inpuang nasa hle bawk. An bul vêla chêngten an ngaihsak lem loh laiin Santhal-te chuan he Chanchin Ţha hi an ngaihven tak zet a ni.

† Isua chu, “*Ka Pa thianghlîm, nangin kei mi pêkteho hi i hmingin hum rawh, pumkhat an nih theih nân, keimahni ang bawk hian,*” tiin a ţawngţai a (Jn 17:11).

ZORAM, HARH RAWH!

– Upa H. Zoliana, Durtláng ‘N’

INDIA RAMA KOHHRAN HRUAITUTE INTAWHKHÂWM

United Christian Prayer for India (UCPI) hian nikum 2014 khân tum hnih lai chu India rama kohhran hruaitute a lo ko khâwm tawh a. May 2014-ah chuan kohhran hruaitu mi 50 vêl an kal thei a. Conference tum hnihna September 2014-ah chuan mi 96 lai an kal khâwm a. Chanchin Tha puan darh kawnga India rama Kristiante tulzia hriain hetiang hian conference an buatsaih leh ta a ni.

Kan Synod-in sâwmna a dawn angin Synod *Officers Meeting* chuan ni 6-8 January, 2015 chhûnga UCPI-in India rama kohhran hruaitute a koh khâwma tel tûrin mi pathum a ruatah – Rev. Zosangliana Colney, *Programme Director, SMTC* nèn Bangaluru-ah kan pahnihin kan zuk tel a. *Conference chu Assembly of God* Kohhran – Bethel A/G Church, Hebbal Ring Road, Bangaluru-ah neih a ni. India rama kohhran páwl (*denomination*) hrang hrang hruaitu mi 460 zet leh min buaipuítu mi 100 vêl nèn, kan vaiin mi 560 vêl kal khâwm kan ni a. Kashmir aţanga Kanyakumari inkára kohhran hrang hrang

aţangin kan kal a. *Episcopal Kohhran (Bishop nei Kohhran)* leh *Pentecostal Kohhran* aţang pawhin hruaitu mi 50 vêl ve ve an lo tel thei a ni. “*India rama kohhran hruaitu tum khatah hetiang tam an la kal khâwm ngai lo,*” an ti hial a ni.

MEETING NEIH CHHAN

1. India rama kohhran a lo din tirh aţangin kum sanghnih dawn lai liam tawh mah se, kohhran-hoten inthuruala Chanchin Tha hril tûra thawh hona tak tak kan la nei ngai lo va. Chutih laiin India ram chu khawvêla ram thim ber páwl, Chanchin Tha mamawh ber ram kan la ni reng a ni. Mingoho tán India ramah Chanchin

Ṭha hril theih a ni ta si lo va. A chhúnga chêng, Kristiante ngei hian, kan Lalpan thu min pêk bawh zuiin “*Chanchin Ṭha hril*” mawhpurhna chu kan kenkawh a ngai ta. Tûnah tak pheih chuan sawrkar tha chakna hmachhuanin Hindu lalram din tùrin nasa takin ṭan an la mék a ni si a. ‘*India rama Chanchin Ṭha hril tùr hian páwl páwl sawi lova Kristiante thu khat vuaa kan ṭawngṭai ho leh ṭan kan lâk ho hi a ṭul ta a ni,*’ tiin min ko khâwm a ni.

2. India ram mihring – nuai singkhat leh sanghnih zet zînga Lal Isua hming pawh la hre lote hriattîr hna hi a hautak êm avângin kohhran malin emaw **para-church** ṭhenkhatin emaw an thawh mêknate hi tâwk zo dawnin a lang lo va. Chanchin Ṭha hril kawnga kohhranhote ṭan hona tak tak aṭang lo chuan India ram pum pui tihên hi hna huphurhawm tak niin a lang. Chuvângin, ‘*Ruahmanna fel tak nèn, engtin nge India rama*

Kristiante hi Chanchin Ṭha hril vei tùra kaiharh kan nih anga, engtin nge inpumkhata kan thawh ho theih ang?’ tih hi intawhkhâwm thupui leh min ko khâwmtute tum ber chu a ni.

HUN HMAN DÂN

India mi, ram pawna hnathawk, rawngbâwlnaa nasa taka inhmang mék leh India ram chhúnga kohhran hruaitu, mi ropui tak takin chan fel taka insemin hun tawi tê chhúng min zirtîr a. Zîng lam dár 8:30 vêla ṭanin tlai lam dár 7:30 vêlah kan bang ṭhin.

NI KHATNA

Kan zirlai thupui chu “***Tum thuhmun nei tùra zir hona***” tih a ni a. “*India rama Kristiante/kohhrante hi tute nge kan niha, kan Lalpa ngeiin, ‘Kal ula...’ tia min tîrh lai hian eng nge kan buaipui?*” tih chungchang kan zir ho va. Rev. Zosangliana Colney-in Mizoram Synod hmalâkna – buhfaithâm leh ramthar lama kan rawngbâwl na tlângpui a sawi a. Nuhovin buhfai tlêm tê tê an ṭhâm tling khâwm chu a

maktaduai tél a lo tling a, ramthar rawngbàwlna lamah awmze nei tham a lo nihzia kan ngaithla a.

Chu thu chu Pathianin a hman a. India rama kohhran hruaitu lo kal khâwmte thinlung a tui ral ta! Chanchin Ṭha hrilna kawnga India ram kohhran hruaitute muthlu a kai harh ṭan ta! **“Dinhmun ṭha leh sum leh pai ûm tawh lovin, kan Lalpan thu min pêk bawhzuiin Chanchin Ṭha hril kawngah hian thu khat vuain Kristian zawng zawngin ke i pên tláng teh ang u!”** kan ti ta a ni ber mai. Lalpa chu fakin awm rawh se!

NI HNIHNA

A ni hnihnaah chuan ‘Thupêk Ropui – Chanchin Ṭha hril tùra thupêk tihlawhtling tùrin engtia inbuatsaih tùr nge niang?’ tih chungchang zir ho a ni a. India ram hmasâwnna atâna missionary leh Kristian hruaitu hmasaten hna an lo thawh tawh dân târ lan a ni a. Ṭawng tihhmasâwn thu-ah te,

zirna bul ṭantu an nih thu te, damlo retheite tâna damdawi lama an lo thawh tawh dân te, vântláng hriselna atân leh rethei chawikan lama sulsutu an lo nih tawh dân te kan zir ho va. India rama mite – sakhuanaa puithu tak mai, chi inthliarna leh màwlna leh thimnain a bawih beh tlatte chu Chanchin Ṭhaa tiêng tùrin Lal Isua thupêk awiha ke pên chhuak tùrin min cho va. Hindu lalram dân tùra ṭhahnemngai taka ṭan an lâk mênna chu, **“Kal ula, hnam tina mite zirtírahte siam ula...”** tia thupêk bawhzui ṭulzia tilangtu a nih thu te min hrilh a. ‘India rama sipai hrang hrang – Army, Navy leh Airforce-te pawhin an danglamna/inan lohna te chu dah ṭhain India ram himna atân tum thuhmunin hmêlma thuhmun an do tláng ang hian kohhranhote pawhin India ram tiêng tùrin tum thuhmunin, inthurualin ṭawngtai ho îla, missionary tîr chhuakin i thawh ho tláng ang u,’ an ti a ni ber. Tichuan, India rama Kristian la tlêm deuh deuhna district-te chu târ

langin an dinhmun tlângpui min zir chianpui a. Kal khâwmte chu anmahni leh an kohhranten an ãawngtaipui zui tùr leh an theih chuan missionary an tirhna tùr *district* thlantír an ni a. **India rama Chanchin Ṭha hril tùra Kristiante ãan ho ṭulzia** hi mahni *state* leh kohhran ãeuhvah sawi darh tùra beisei kan ni bawk a ni.

NATIONAL DAY OF PRAYER

Kal khâwmte/Palaite chuan **ni 2 October hi India ram tána ãawngtai hona hunah hman an rawt a.** Hemi ni hian India rama Kristian zawng zawngte, páwl páwl sawi lova ãawngtai hona hun (*National Day of Prayer*) atán hman remtih a ni.

NI THUMNA

United Christian Prayer for India hi páwl (*organization*) a ni lo va, India rama Chanchin Ṭha hril ṭulzia hriaa **ramthim veitute** intawkh khâwm an ni. 'India rama Krista taksa, kohhranhote hian inthurualin RAMTHIM,

INDIA RAM NGEI HI VEI ila,' tih hi an thupui ber a ni mai. Mizoram Synod-a tlêm tê têa buhfai kan ãam tling khâwm chuan nasa takin hna a thawk a. 'Tui mal far tê tê chu, *ṭiau vut hrang aum khâwm, tuipui lian a tlinin, ram nuam a lo aum,*' tih ang khán India ram kohhran hruaitute chuan páwl hrang hrang kan inan lohnate dah ãhain Chanchin Ṭha hril tùra inpumkhata thawh ho ṭul an ti tlâng ta a ni.

Intawhkhâwm neih leh hunah thlengtu tùr sàwmna hun siam a ni a. Andra Pradesh leh Telengana *state* kohhran hruaitute chuan June thlaa *meeting* neih leh tùr thlen an inhuam thu lungual takin an rawn sawi a. Chumi hnuah kohhran hruaitute chuan India ram tieng tùra ke pên ṭul an tihzia nem ngheh nán an hming an *sign* ãeuh a ni. Kut insuih kualin India ram tieng tùrin inpumkhatna hla sak ho a nih hnuin

tawngt̃ainain hun chu
tihtàwp a ni ta a ni.

TLÁNGKAWMNA

*United Christian
Prayer for India* chêt vêl dân
hman̄ hi zir Chiang Ila.
Mizoten India rama
hnam̄ tha leh khawsak
sáng zâwkte pawh
thleng phâka Chanchin
Ṭha awmze nei lehzuala

kan hril hna kawng min
hawnsaktu a ni mai ang
em? Tihtakzet, rin tlâk
leh rinawma India rama
Chanchin Ṭha rawngbàwl hna
thawk tùrin Pathianin
Mizote min duh avàngin
min ko va, min buatsaih
a. Tûnah chuan ke kan
pên chhuahna tùr
kawng a inhawng ta
niin a lang e.

NULA ROSANGZUALI (K. 42) KAN CHÂN TA!

Nl. Rosangzuali hi ni 5 July, 1973 khán Ruallung khuah a piang a. Pu Ralzika (L) leh Pi Biaksangi-te fa pali zing a upa lam aṭanga chhiara pathumna a ni. Primary leh Middle School hi Maiteah zirin High School erawh chu Rulchawmah a chhunzawm a. Pawl sawm (10) erawh chu a pass ta lo a ni.

SMB-a a thawh hma hian Mission Foundation Movement hnuaiah Missionary Training a lo nei tawh a. Rulchawm Kohhran Ramthar Committee chawmin Chillipam, Bomdila Bial (AAMF 'W')-ah July–December 2009 chhúng Evangelist hna a thawk a ni.

Synod Mission Board hnuaiah kum 2010 khân Contract Missionary (Evangelist) atána lâk a ni a. Daporijo, Assam & Arunachal Mission Field W-ah dah a ni a, kum 2010-2012 chhúng a awm a. A hriselna a ṭhat loh avàngin January 2013 aṭangin SMB Headquarters, Aizawlah dah a ni a, hetah hian a thih thlengin a thawk ta a ni.

NE Region Missionary Retreat (ni 14-17 May, 2015) kha nuam vak lo chungin a tel tuan a. Chuta ṭang chuan a insawisel zual a. Ni 26 May, 2015-ah pawh office la kaiin a nawm loh avàngin a haw hma a. Ni 28 May, 2015 (Ningani)-ah Rulchawm aṭangin a nu a lo chhuk a. Chumi zàn dár 10:30 vêlah chuan

a natna chu zualin zàn dár 11:00 vêlah Aizawl Hospital-ah hruaiin, enkawl a ni a.

A tûk chawhnu dár 2:00 vêlah Synod Hospital, Durtlangah hruai a ni a, ziaawm lam a pan theih loh avângin Inrinni tlaiah ICU-ah dah luh a ni a. A lung a vúng nasa hle a, a B.P. a hniam êm êm bawk a, a kal (kidney) a function tha lo bawk a ni. Hniam lam pan zêlin ni 31 May, 2015 (Pathianni) zàn dár 8:15 khân Lalpa hnênah min lo kalsan ta a ni.

A ruang hi ama in luah, Model Veng, Aizawlah luhpui zawk a ni a. A in luah hi a têt avângin a in luahna neitu Pu Lalnunmawia chuan ama inah ruang hi lain, Model Veng Kohhran leh YMA-ten amah thlahna hun tawi hmangin, Pastor Lalbiakvulmawian jawngtâina a hmang bawk. Zing dár 2:00-ah Rulchawm thlenpui a ni.

Dár 11:00 a.m.-ah anmahni chenna inah thlahna hun hman phawt niin, Upa Ropianga, Rulchawmin hun a hmang a. Chhun dár 12:30-ah biak inah thlahna hun hman leh a ni a. Rev. F. Lalchhuanawma, Keifang Bial Pastor-in inkhâwm a kaihruai a. Rulchawm Kohhran Ziaktu leh Upa Lalrinmuana, Coordinator-ten Nl. Rosangzuali chanchin an sawi a; Rev. Lalchhuanmawia, Secretary, SMB-in thlamuanna thuchah a sawi a ni. Kohhran leh khawtlângin an missionary thi hi an sún hle a, amah sún tùr hian biak ina leng lo khawp mipui an kal khâwm a ni.

Nl. Sangi hi mi jawng tam lo, mi pawl sawi ngai lo leh mi inngaitláwm tak a ni a. Rawngbàwlna kawngah a inpe êm êm a, a kova tla tawh chu a theihtâwpin tihhlawhtlin a tum tlat thîn. Zirna lamah sang lo mah se, rin tlâk takin hna a thawk thîn. A chhelzia leh Pathian a rinzia chu a thawhpuite hrilhfâk a tling a ni.

Synod Mission Board hian Missionary, chatuan ram pan ta hi a ui hle a ni. Nl. Rosangzuali thihna hi Pathianin malsawmin Ramthar rawngbàwlna kawnga Kohhranhote tichaktu leh rawngbàwla pên chhuak tùra thalaite cho chhuaktu a nih a beisei a ni.

† *Kei hi thawblehna leh nunna chu ka ni; tu pawl mi ring chu thi mah sela a nung reng ang. – Isua Krista*

RAMTHAR FEH

1.

1. Field hming : Karbi Anglong Mission Field
2. Khua : Sarihajan
3. Tlawh hun chhúng : Ni 21-29 July, 2014
4. Tlawhtu : Armed Veng South Kohhran
5. Kal zât : 10
6. Tlawh chhan : Hnathawh
7. Hnathawh : Sikul (70x20 ft) chung chih leh *ceiling fan* vuah
8. Senso zât : ` 47,090/-

Lâwmawm lam : Sumo hmangin Halflong lamah kan kal a. Hemi kawnga la kal ngai lo vek kan ni a, zâwt chawp chung zêlin tuang takin ni 22 July 2014 zing 8:00-ah Sarihajan chu kan thleng a ni. Mi an lo dawngsawng tha hle mai. Kan thleng a, chaw kan ei khamin kan hna kan tan nghal char char a. Zing dâ 5:00 atanga tlai lam dâ 6:00 thlengin kan thawk thin a. A hmuna rawngbâwtuten min an tawiwamin min thawhpui tha bawk a, a làwmawm hle. Inpumkhatna tha tak nèn engkimah harsatna tawk miah lovin kan hna pawh kan thawk zo thei a ni.

Pastor thuthmun Sarihajan Biak Inah leh Hajanglangso Biak Inahte kan inkhâwm a. Pathianni chawhnu lamah chuan kum kal taa biak in kan saksak, Langmili Kohhranah kan inkhâwm bawk a ni.

Report tul dang : A kalte hi kum lama upa lam hlir kan nih avângin kalkawnga min lo hmutute pawhin, “Putar hlir an ni,” min ti a ni!

Ni 29.07.2014 chawhmaah kan hna kan thawk zo va. Tlaiah thawktute nèn hlim takin zânriah kan kil ho nghal a. Zànah inthlahna hun tawi tê neiin kan hawng ta nghal a. Dam takin ni 31.07.2014 zing dâ 2:00-ah tuang takin in kan thleng leh ta a ni. Tuang taka min hruaitu Pathian hnênah lawm thu kan sawi a ni.

Saithanga

Armed Veng S Ramthar Committee Asst. Secretary

2.

1. Field Hming : Tripura Mission Field
2. Khua : Tuidu
3. Tlawhtu : Serchhîp Hmar Veng Kohhran
4. Tlawh hun chhúng : Ni 18 – 25 August, 2014
5. Kal zât : Mipa 20; Hmeichhia 2
6. Tlawh chhan : Qtrs pahnih sak (36x24 ft leh 24x24 ft)
7. Senso zât : ` 49,066/-

Lâwmawm lam : Tuidu Pastor R.C. Lalhuanthanga leh thawktu dangten min lo dawnsawn dânah a thlamuanthlâkin an inhawnna leh inpêkna a tha khawp mai. Kohhranho pawh an nungin an inpawh thatziate kan hmuhin lâwmawm kan ti takzet a ni. Kan kohhranin hun rei tak chhúng Ramthar Field kan tlawh hleih theih loh hnuin kawng hrang hrangin sum te tuakin Ramthar Field-ah *camp* kan nei leh thei ta a ni. Kan hnathawhnahte, kalkawng leh haw kawngahte pawh Pathian kaihhruaina kan chang a, kan lâwm khawp mai. Hun rei lo tê chhúnga *quarters* pahnih kan zuk sa thei hi a lâwmawm kan ti tak zet a, kan kohhran tán pawh thil chhinchhiah tlâk tak a ni dawn a ni. Duhthusàma kan zo fel hman ta lo crawh chuan rilru a tikhingbai deuh thung.

Report tul dang : Serchhíp aṭanga Tuidu hi km. 490 vêla hla a ni a. A mi chêngte chu Kaipeng, Mualṭhuam, Koloï, Debbarma leh Jamatia-te an ni. Kohhran programme-ah min duhsakin kohhran pasarih laiah hun te min siamsak a. Kan ṭawng an han let chiah chu a ropui viau rualin zei lohna a lang Chiang duh khawp mai. Kan kohhran missionary chàwm mêk Tv. Zothanmawia awmna Tuichalong Kohhran kan tlawh bawh a. An kohhran member-te leh biak in sak that ngai tak mai kan hmuh chuan lung a tichhiain thinlungah an mamawhna chuan min ko rengin kan inhre hlawm a ni.

CVL Hruaia

Serchhíp Hmar Veng Kohhran Ramthar Committee Ziaktu

3.

1. Field hming : Barak Area
2. Khua : Gharmurra
3. Tlawhtu : Ni 1-5 September, 2015
4. Tlawh hun chhúng : Ramhlun Kohhran
5. Kal zât : Mipa 12; Hmeichhia 2
6. Tlawh chhan : Hnathawh
7. Hnathawh : Sikul chung chih
8. Senso zât : ` 48,254/-

Lâwmawm lam : Thawktute inpêkna a nasain ringthar pawh sàwm (10) chung lam an lo nei a, a lâwmawm hle.

Lâwmawm lo lam : Thingzai a harsa lutuk khuan hnathawh a tibuaithlâk deuh.

Report tul dang : Sikul chung rangva leina an neih daih loh avangin rangva leina man ` 20,000/- kan thawh ve.

Lalsiliana

Ramhlun Kohhran Ramthar Committee Ziaktu

4.

1. Field hming : Home Mission South
2. Khua : Tlabung Chawnpui
3. Tlawh hun chhúng : Ni 17-21 September, 2014
4. Tlawhtu : Mualphéng Kohhran
5. Kal zât : Mipa 16; Hmeichhia 11
6. Tlawh chhan : Hnathawh
7. Hnathawh : Sikul naupang thut chawlhna (*recreation shed*)-ah lei chhun hna kan thawk a; thawktu *quarters* panna *step* kan rem a; sikul bulah kawng kan lai bawk a; sikul sak mékah *slap* chhung kan pui a; *brick* kan thiar bawk a ni.
8. Senso zât : ` 49,124/-

Lâwmawm lam : Kan tum angin kal lamah kan kal tuang lo va. Lungleia riah a ngaih avàngin Rev. Lalrinnunga, Administrative Secretary chuan Lungleia Synod House-ah min riahtír a, kan lâwm hle a ni. SHMS, Tlabunga thawktuten min lo dawngsawng tha hle a, an chungah kan lâwm hle a ni.

Thubelh : Sumasumi Fellowship-a Kristian pakhat, Geno Chakma chu a damlo va. Tlabung Civil Hospital-ah enkawl a ni a, tanpui nán ` 2,000/- kan pe a ni.

K. Lalsangliana

Mualphéng Kohhran Ramthar Committee Ziaktu

5.

1. Field hming : Home Mission North
2. Khua : Damparengpui
3. Tlawh hun chhúng : Ni 22-27 September, 2014
4. Tlawhtu : Ramhlun Venglai Kohhran
5. Kal zât : Mipa 21
6. Tlawh chhan : Hnathawh
7. Hnathawh : Dispensary (234 *sq. ft.*) sak
8. Senso zât : ` 70,920/-

Lâwmawm lam : Kan kal lam atangin Pathian hruaina duhawm tak kan chang a. Kan hnathawh hun chhung zawngin khaw lum leh boruak duhawm lo kan tawng lo. Kan thlen atanga kan hnathawh hun chhung zawng, zing dár 6:00 atanga khaw thim thleng hnathawkin kan rim hle. Mahse, kan thawh hona a thain kan inlungual a, Bialtu Pastor leh thawktu dang zawng zawngin min phurpuuin min tawiwam nasa hle.

C. Sawitlinga

Ramhlun Venglai Kohhran Ramthar Committee Ziaktu

6.

1. Field hming : Home Mission South
2. Khua : Chawngte 'C'
3. Tlawh hun chhúng : Ni 22-29 September, 2014
4. Tlawhtu : Kanan Kohhran Ramthar Committee
5. Kal zât : Mipa 5
6. Tlawh chhan : Thawktu tlawh
7. Senso zât : ` 25,380/-

Làwmawm lam : Kum 2014 chhúnga Ramthar Committee Project pahnih – Work Camp leh kan Kohhran aṭang missionary-te an thawhna hmuna tlawh chhuah chu a taka tihhlawhtlin a nih avàngin Pathian min hruaitu chungah kan làwm hle a ni. Bialtu Pastor R. Lalmalsawma leh Craft Teacher Nl. Lalchhandami-te leh kohhranhote min lo dawnawm dànah kan làwm hle. Field chhúnga leh kohhranahte rawngbàwlina hun ṭha min pêk avàngin kan làwm hle a ni.

Thubelh : Chawngte 'C'-ah hian Synod hian hmunhma a la nei rih lo va. Tûna Craft Centre pawh hi mi mal in luah hawh a nih avàngin kan kohhran hian rawngbàwlina hmuna pawimawh a nihzia hriaa biak in leh centre hmuna ṭha tak neih a duhawm hle. Hma pawh lâk mêk niin kan hria a, a hlawhtlin thuai theih nán ṭawngṭaina nèn ṭan i la zêl ang u.

K. Lalhmingthanga

Kanan Kohhran Ramthar Committee (Group Leader)

7.

1. Field hming : Tripura Mission Field
2. Khua : Danlekha, Chakmaghat, Noagang leh *Field Hqrs*
3. Tlawh hun chhúng : Ni 14-20 October, 2014
4. Tlawhtu : Kolasib Venglai Ramthar Committee
5. Kal zât : Mipa 19; Hmeichhia 3
6. Tlawh chhan : Hnathawh leh Field tlawh
7. Senso zât : ` 73,590/-

Làwmawm lam : Tuidu Bial Pastor R.C. Lalchhuan-thangan ruahmanna min siampui a, *Tuidu Mission Compound*-a thawktuten zo takin min lo thleng a, kan làwm hle. Danlekha Kohhran enkawl, *Victoria English Medium School building* (48x14ft), *Assam Type* chu ni thum chhúngin kan sa zo thei a, kan làwm hle. Field chhúnga kan kohhran dinna hmasa pawl a ni a, *work camp* crawh an la dawng ngai lo va, a hmasa ber kan ni. Kohhranhote min ṭawiamw ṭhain an inpe hle a, an làwm thiam hle. Kan kalna apiangawh thawktuten min lo dawngsawng ṭha ṭhin êm êm a ni.

Thubelh : Work Camp bâkah hian TMF *Hqrs. Office*, Agartala kan tlawh a. Chakmaghat Bial tlawh bawkin Rangamna, Hazara leh Lichu Bagan Kohhranahte inkhâwmna hun kan hmang. Rangamna (*Bial thuthmun*)-ah hian kohhranhote nèn chawhlui kan kil ho va, Hazara-ah hian Pastor Kalu Koloi-an ringthar mi 4 baptisma a chantîr a ni.

Rangamna Kohhran - ` 5,000/-, Hazara Kohhran - ` 4,000/-, Moyung Kohhran - ` 1,000/- leh thawmhnaw sem tûr eng emaw zât kan pe bawk. Noagang Mission Compound-ah Pastor C.S. Rilán chawhlui min lo buatsaisak a, kan lâwm hle. Ni 20 October khán tuang takin Kolasib kan thleng leh ta a ni.

R. Lalhmingthanga

Kolasib Venglai Kohhran Ramthar Committee Ziaktu

8.

1. **Field hming** : Cachar Tlángam
2. **Khua** : Winchester
3. **Tlawh hun chhúng** : Ni 20-23 October, 2014
4. **Tlawhtu** : Ramhlun Kohhran
5. **Kal zât** : Mipa 8; Hmeichhia 2
6. **Tlawh chhan** : Thawktu tlawh
7. **Hnathawh** : Sikul verandah chung chih leh lei laih
8. **Senso zât** : ` 39,635/-

Làwmawm lam : Thawktuten tha taka min dawnsawn avàng te, a tûl ang angá min buaipui te, hetiang sikul building tha an neih avàng te hian làwmawm kan ti hle.

Làwmawm lo lam : Thingzai harsa lutuk khuan hnathawh a tibuathlâk deuh.

Report tûl dang : Lei hi Chanmari Kohhranin JCB ruaiin an lo lai a. An laih bâk sikul hnung leh a chùl mànm nán ` 7,200/- séngin hláwhfa kan ruai a, kan zo fel. Mistiri pahnih ruaiin verandah chung chih kan zo fel bawk a ni

Lalsiliana

Ramhlun Kohhran Ramthar Committee Ziaktu

9.

1. **Field hming** : Arunachal & Assam Mission Field W
2. **Khua** : Boleng
3. **Tlawh hun chhúng** : Ni 20-31 October, 2014
4. **Tlawhtu** : Armed Veng Kohhran
5. **Kal zât** : Mipa 22; Hmeichhia 4

6. Tlawh chhan : Hnathawh
 7. Hnathawh : Boleng Pastor Quarters sak
 8. Senso zât : ` 1,86,400/-

Lâwmawm lam : Pastor quarters (36X24ft) chu a kil lia *extension* leh *ceiling* telin, a liang chung lam zawng chu ni 5 chhúngin kan zo thei a, Boleng Kohhranhoten mak an ti hle. Thu leh hla lamah rawngbàwlina nei tam thei lo mah ila, rim taka zing khawvâr aṭanga tlai lam khaw èn chhúng zawnga kan hnathawh dân leh kan thawh hona thatzia an hmuhin thawktu (missionary)-te kan ngaisang a ni tih an rilruah a intuh hle mai a. Chu chuan an hnathawh zêlna tùrah kawng ro a su hlein a rinawm hle. Tùm hnih chu keiniho leh Pastor chhúngkuaten mi mal (2) inah min sàwm avàngin chawhlui kan kil ho va, kohhranin kan pualin tùm khat zanriah min buatsaihsak bawk. Kan zínga mi, Tv. H.F Lalmuanpuia chuan tihdam rawngbàwlina neiin damna chang mi eng emaw zât an awm nghe nghe.

Boleng Biala ringtute hi mi rethei tê tê ni mah se an neih chhun mi dangte tán an ui lo hle. Pathian thusawi leh ṭawngṭai an la urhsùn a, ‘Halleluia! Lalpa chu fakin awm rawh se!’ tiin thusawi leh ṭawngṭai an ṭan deuh zêl ṭhin.

Thubelh : Boleng Bial hi AAMF ‘W’ chhúnga Bial 9 zínga Bial lian ber niin Kohhran 18 lai an awm a ni. Mizo Missionary 6, Field Worker 3 leh Kraws Sipai 4 an awm a ni. Bolengah hian in 600 awmin kan kohhran chu in 33 an ni. Ringlote hi a tlánpuiin pi leh pute sakhua emaw *Donyi-Polo (Ni leh Thla pathiana bia)* emaw zuitu an ni. Tùn hnai mai khán Hindu kulmûk RSS-ten hlet an chhuah ṭan a, Kristiante tán chona lian tak a ni ta a ni. He Field huam chhúng, Bial pakhtatah chauh pawh thawktu indaih lohzia kan hmuh hian Field hrang hranga Lalpa ram zauh tùr la tamzia ngaihtuah zuinain thinlung a khawih hle a ni.

H.J. Rodinga

Armed Veng Kohhran Ramthar Committee Ziaktu

[Kan chanchinbu a têt avàngin Ramthar Feh pawh kan chhuah chak thei lo hle. Ramthar Feh kan ngai pawimawh hi a lâwmawm takzet. A tawi thei anga tih zêl theih ni se a duhawm hle mai. – Editor]

KUM 2015 CHHÛNGA RAMTHAR THILPÊK PETUTE

1. **Bungkawn Bial Kohhran Hmeichhia** 16.01.2015
Teirei Forest Biak In zauh nán - HM 'N' 30,000
2. **Sihphir Pastor Bial KTP** 19.01.2015
Ganganagar Bial, Astomile Biak In sak nán - Tripura 1,00,000
3. **Nl. Thansangi** 27.01.2015
Ramthar Board-in a t̃ul apianga hman atán 300
4. **Pu Lalkânglova, Mission Veng** 02.02.2015
Harlongsora Kohhran, Bial KTP Inkhâwmpui thleng tur tanpui nán - Karbi 30,000
5. **Kristian Thalai Páwl, Bethlehem Veng Branch** 03.02.2015
Cheksolangso Biak In sak nán - Karbi 1,00,000
6. **Kawlkulh Bial Kohhran Hmeichhia** 10.02.2015
Ramthar Field-a a t̃ul apianga hman atán 5,000
7. **Dawrpui Ramthar Committee (Pathiarnri sa eia)** 13.02.2015
Tuidu Biala Evangelism rawngbâwl nán - Tripura 43,150
8. **Pu Lalhualthangate chhúngkua, Thingthelh** 13.02.2015
Lucknow-a puan t̃hui zirna hmuna hman t̃ur kháwl lei nán 3,500
9. **Serchhíp Pastor Bial Kohhran Hmeichhia** 24.02.2015
Manikbond Bial, Pipla Biak In sak nán - Cachar Tlánggram 10,000
10. **Thingdawl Kawn Veng Kohhran** 26.02.2015
Udharbond Bial, Langlachhera Biak In t̃hutthleng - Barak 3,000
11. **Laipuitlang Ramthar Committee** 02.03.2015
Khagaria Biak In *ceiling* siam nán - Patna 60,000
12. **Thakthing Ramthar Committee** 03.03.2015
Basirhat Bial, Sandelerbil Main Gate siam nán - Kolkatta 10,000
13. **Tuikual Kohhran** 05.03.2015
Hmawngbu Biak In sak tanpui nán - HM 'S' 5,000
14. **Dinthar Kohhran** 09.03.2015
Likabali Bial, Mesaki Biak In chungrangva lei nán - Aru. 'W' 30,000
Karimganj Bial, Subhasnagar Biak In sak nán - Barak 2,00,000
15. **Upa Laltilankima, Dinthar, Aizawl** 09.03.2015
Chawngte 'C' Biak In *Solar Light* lei nán - HM 'S' 10,000
16. **Chawnpui Kohhran** 11.03.2015
Dulupcherra *quarters* sak tanpui nán - Barak Area 20,000
17. **Rabung Pastor Bial** 13.03.2015
Lalhruaitluangi, Tuithumhnar *qtrs* tuizem lei nán - HM 'S' 10,000
Chakmaghat Bial, Hajra Biak In chung t̃ur rangva lei nán - Tripura 10,000
Bhairabkunda Biak In sak tanpui nán - Assam 7,000
18. **Tuikual Kohhran** 16.03.2015
Karimganj Bial, Lakhibazar Biak In sak nán - Barak 1,00,000

19. Bawngkawn Kohhran	17.03.2015	
Likabali Biala Pastor <i>qtrs</i> tuizem siam nán - Aru. 'W'		30,000
20. Armed Veng Kohhran	18.03.2015	
Chokikola Bial, Rongmongve Biak In sak nán - Karbi		1,00,000
21. Zotláng Kohhran	19.03.2015	
Borapansury Biak In sak nán - HM 'S'		80,000
Tuithumhnar missionary quarters sak nán - HM 'S'		50,000
Kurwa Fellowship Biak In sak nán - Jharkhand		1,00,000
Thirsakawr 10 lei nán - Kolkatta		35,000
Agartala thlanmual tùr ram lei nán - Tripura		1,00,000
Chakmaghat thlanmual tùr ram lei nán - Tripura		50,000
22. Serchhip Kawnpui Kohhran	20.03.2015	
Manikbond Bial, Pipla Biak In sak òanpui nán - Cachar		20,000
23. T. R. Lalduhawma, Venghlui, Aizawl	23.03.2015	
Tuipuibari-II tán <i>Amplifier</i> leh <i>microphone</i> lei nán - HM 'N'		10,000
Borapansury Biak In hman tùr Solar Light lei nán - HM 'S'		10,000
24. Siyon Swaram Zaipawl	25.03.2015	
Mangnang Biak In sak òanpui nán - Aru. 'W'		10,000
25. Leitan South Kohhran	27.03.2015	
Udaipur Bial, Dewanchhora Biak In sak nán - Tripura		1,00,000
26. Vairengte Kohhran Hmeichhia	27.03.2015	
Bagha Pastor Bial Crusade nán - Barak		20,000
27. I.T.I. Vengchhak Kohhran Ramthar Committee	27.03.2015	
Kalicharanpur-a Tube-well siam nán - Kolkatta		25,000
28. Lungleng I Kohhran	31.03.2015	
Bolakhera Evangelist quarters-a hman tùr Solar Light lei nán - Lucknow		5,000
29. Chhínga Veng East Kohhran Pavalai Páwl	07.04.2015	
Tuingoi Bial, Sogori Biak In sak nán - Tripura		30,000
30. Kanan Kohhran	10.04.2015	
Dongkamukam Bial, Chengbong Biak In sak nán - Karbi		40,000
Crusade neih nán - Lucknow		10,000
Darbhangá Biak In hung nán - Patna		2,50,000
31. Kolasib Venglai Kohhran	10.04.2015	
Tekatta Mission Compound-a Water Tanky siam nán - Cachar		10,000
32. Saron Veng Kohhran	15.04.2015	
Kahrawt Bial, Telkatta-a Water Tanky siam nán - Cachar		20,000
33. Khatla North Kohhran	20.04.2015	
Kabuganj Bial, Khakhunou Biak In sak nán - Cachar		40,000
34. Dawrpui Kohhran (Pathianni tûkvawi-2 sa ei ai)	23.04.2015	
Chanchin Tha beihpui thlâk nán - Patna		49,150

NORTH EAST REGION MISSIONARY RETREAT (MAY 14-17, 2015)

MISSIONARY-TE HLIMTHLA



Mizo nulate an ni e.
Karbi hnam incheina
pawh an nalphui
zêl mai.



Arunachal West-a
Missionary-te an thawhna hnamte
incheinain...



Missionary-te hlan Retreat hun hi
an thiante nëna nun zalên tak an
hman theih hun lai a ni a, nuam
an ti ve thin hle.



Arunachal East-a thawk-
tute Tangsa hnam lamin
mawi takin an lám

COUNSELLING MAMAWHTE TÂN

Mi mai, nupa, fanau, chhúngkua, nulať tlangval, ringtu nun etc.-ah harsatna i neih
chuan Family Guidance & Counselling Centre pan thin la, an lo tanpui ang che.

Telephone leh internet hmang pawhinbiakrawn theih an ni.

Mission Veng, Aizawl - (0389) 2324443; Chanmari, Aizawl - (0389) 2306693

Vaivakawn, Aizawl - (0389) 2344324; Champhai - (03831) 234055

Serchhip - (03838) 226128; Kolasib - (03837) 220180

email: synodfgcc@gmail.com

Postal Regn. No MZR/46/2015-2017

RNI Regn. No. 40889/88



KAN THEN TÀK
NULA ROSANGZUALI (1973-2015)



*Gossaipur, Barak Area-a ringtharto, khawtlángin
Kristian an nih avànga an ensan tawhte an ni.
Meitei hnam an ni.*

TO RAMTHAR

TO

If not delivered please return to:
The Manager
Ramthar Chanchinbu
Synod Office, Aizawl, Mizoram,
India. Pin - 796005

**Published by Rev. Lalchhuanmawia and Printed at the
Synod Press, Aizawl on behalf of Ramthar Association,
Aizawl, Mizoram. Copies- 30,500**

Visit us: www.mizoramsynod.org